



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Fratribvs Ierosolymitani hospitalis in Ybernia constitutis.

urn:nbn:de:hbz:466:1-20020

justitiam attentatis, remaneat incorre-
ctum. Audivimus autem, & audientes non
potuimus non moveri, quod parrochianos
Corbeiensis Ecclesie, quae specialiter beati
Petri juris existit, sub praetextu confrater-
nitatis, etiamsi vinculo teneantur excom-
municationis astricti, ecclesiasticae praesu-
mitis tradere sepulturae. Quoniam igitur
tanto id gravius ferimus quanto vobis am-
plius indecens reputamus & vestrae saluti
contrarium, per apostolica vobis scripta
mandamus & districte praecipimus quatinus
de cetero parrochianos Corbeiensis
Ecclesiae qui vinculo teneantur excommu-
nicationis astricti ad sepulturam recipere
nullatenus praesumatis, scituri quod si ip-
sos vel alios excommunicatos sepulturae
tradere praesumpserit, honestati domus
vestrae gravissimè derogabit, & tandem
non sine indignatione nostra hujus praesump-
tionis correctionem auctore Domino
sentietis. Datum Signia Kal. Iulij, ponti-
ficatus nostri anno decimoquinto.

RODVLPHO PRESBYTERO.

Epist. 132.
Dicitur ei mo-
nita.

Diligenter auditis & perspicaciter in-
tellectis quae circa te super voto ac
professione monastici ordinis per inquisi-
tionem delegatorum nostrorum reperta
fuerunt, te ad observantiam regulae mona-
chalis decernimus non cogendum: quam-
quam saluti tuae magis expedire credamus
ut ad illud regnum feliciter obtinendum
vim tibi facias & bellum indicas de quo le-
gitur quod a diebus Iohannis Baptistae reg-
num caelorum vim patitur, & illud diripi-
unt violenti. Tu ergo, sive licentia in
seculo remanendi, sive providentia exeun-
di de seculo usus fueris, divinae te subicias
servituti, & per mandatorum Dei semitas
gradiaris, ne fortè, si secus egeris, te ip-
sum decepsisse proberis. Datum Signia v. i.
Nonas Iulij, pontificatus nostri anno de-
cimoquinto.

*FRATRIBVS IEROSOLYMITANI
hospitalis in Ybernia constitutis.*

Epist. 133.
Confirmantur
eis quaedam
possessiones.

Cum a nobis petitur &c. usque perdu-
catur effectum. Eapropter, dilecti
in Domino filij, vestris iustis precibus in-
clinati, de Killemainan, de villa Turmor,
de Yfoude, sancti Michaelis de Krevach,
sancti Clementis Dublinensis, de Tave-
rach, de Dovenachpatie, de Kilteltan,
de Legno, de Moylbochen, de Moylach,
de terra Adae Dullart & Pagani fratris sui,
de Cluchihunche, de Knocduine, de Clu-
nif, de Bernemeche Adae de Lenz, de

Dunler, de Ken, de Cloch, de terra A-
mauri de Feypo juxta Laveche, sanctae
Mariae in Arch. de terra quae fuit R. filij
W. sancti Iohannis Arch. de Rathmulin,
de Incheme Kargi, de Maniblos, de terra
Walteri de Logan, de terra W. Foresta-
rij in Magelin, sancti Iohannis Evangelii-
sta in Crafferg, de Bruach, de Glorie, de
Batmolin, de Kilhiele, de Killuvarin, de
Ratenans, de Tachfixan, de Rathfuln,
de terra Philippi Vituli, de terra Thomae
Vituli, de terra Iohannis de Peinkoyt, de
Adcor, de villa Aufrid. in Ardrie, sancti
David de Nas. de terra Ricc. filij Alvered.
de villa W. de Keldif, de Clane, de Lu-
the, de Killebech, de terra W. Cirence-
stre, de Dunig, de Kernach, de Mara-
chem, de villa Sirloc, de Tuly, de Kille-
melin, de Rathbrid, de Kilros, de terra
quae fuit Radulfi de Offali, de Dunheve,
de Finovere, de Oream, de terra Tho-
mae filij Maur. de Killergi, de Struhan, de
Dorric, de Foder, de villa David de Du-
metham, de villa David Boch, de terra
Ricc. Pmcne, de Gillachnefcop. in Obuy,
de Archimen. Triech. de tota terra Reug.
Poherij in Lagen. de Archemang, de Ca-
velmuy, de terra Ricc. de Hemfort, sancti
Petri de Selescar, sancti Michaelis de We-
sefort, sancti Iohannis, sancti Patricij,
sanctae Brigidae, sanctae Mariae Magdalenae
Weseford, sancti Iohannis de Balischauc,
de Incheferch, sancti Iohannis de terra
Heliae de Pondlg, de Duser, sanctae Ma-
riae de Slescultre, de terra Rog. Valen. de
terra Osberti God. de terra W. Bruse-
lanc. de Senerah, de Kildium, sancti Iohan-
nis Wateford, de Drukun, de Kesslivor,
sanctae Mariae de Tibh. de Arfinan, de Ra-
dron, de Magdevuin, de Stangenach, de
terra W. Auguill. de terra Adae Martel. de
Obrid. de terra Alex. Carpentar. de Du-
mercth, de Typar, de Karketel, de Hu-
les, de Cathan, de Kilguban, de terra
Roberti Sivvim. de Lunc. de Kilkallan, de
Catcorchin, de terra Ricc. de Mora, de
terra Thomae filij Rad. de terra Henrici
Pmcn. de feudo decem militum in honore
Cathan. de Addar. de terra Galf. de Exle.
de terra Tancardcor. sancti Marchach.
Linurin. sanctae Brigid. Linurin. de terra
Godeberti de Rupe. de imo Gantard. In-
ker. de Lachmecher. de Holegr. de toto
tuedo de Amerit, de toto tuedo de Tula-
chleys, de toto tuedo de Horr. de toto
tuedo de Maycr. sancti Iohannis de Cor-
cang. de Roskelan. & de Senegart, Clen-
can, Ecclesias cum omnibus villis, decimis,

656 Epistolarum Innocentij III.

Capellis, pertinentiis, & appendiciis suis, necnon & alia bona vestra, sicut ea iuste ac pacifice possidetis, vobis & per vos domui Hospitalis auctoritate apostolica confirmamus & presentis scripti patrocinio communitimus. Nulli ergo &c. confirmationis &c. usque incursum. Datum Signia XII. Kalend. Augusti, pontificatus nostri anno decimoquinto.

IOANNI REDOSTONENSI Episcopo.

Epist. 134. De Graeco Episcopo ad Ecclesiam unitatem reverso.

CVm ad obedientiam sacrosanctae Romanae Ecclesiae redieris, sicut ex parte tua fuit propositum coram nobis, auctoritate tibi praesentium indulgemus ut in apostolicae sedis devotione persistens, illa gaudeas libertate qua gaudent Latini Episcopi Romaniae, illamque iurisdictionem in subditos tuos obtineas quam & ipsi in diocesis suis habent. Nulli ergo &c. concessionis &c. usque incursum. Datum Signia XI. Idus Iulij, pontificatus nostri anno decimoquinto.

E I D E M.

Epist. 135. De Graecos horretur ad unitatem Ecclesiae.

CVm ad obedientiam apostolicae sedis redieris, ut quod audisti alij dicas Veni, & trahas quasi cortina cortinam, fraternitati tuae praesentium auctoritate mandamus quatinus coepiscopos tuos necnon monachos & Clericos Graecos, ut ad obedientiam sedis apostolicae revertantur, exhortationibus sedulis efficaciter moneas & prudenter inducas, ita quod diligentia tua clareat in effectu, & gratiam postquam merearis plenius & favorem. Datum Signia XI. Idus Iulij, pontificatus nostri anno decimoquinto.

BOIANENSI EPISCOPO.

Epist. 136. De quodam instrumento coroso.

SIgnificante venerabili fratre nostro Episcopo Venafrano ad nostram noveris audientiam pervenisse quod Ecclesia sua ignis incendio devastata, ipsius privilegia coactus est aliis deponere conservanda: inter quae privilegium quoddam, quod inter Ecclesiam Venafranam & Hospitalarios civitatis eiusdem compositionis & pacis foedera continebat, repertum est ex conservatorum incautela corrosum. Vnde quia ex ipsius abolitione magnum posset Ecclesiae Venafranae dispendium provenire, ac nonnulli, qui dum idem conderetur privilegium interfuerant, dictos Hospitalarios simile habere privilegium asseverent, nobis humiliter supplicavit ut inducere dictos Hospitalarios ad exhibendum idem

privilegium dignaremur. Volentes igitur Ecclesiae Venafranae dispendiis praecavere, fraternitati tuae per apostolica scripta mandamus quatinus Hospitalarios antedictos ad praefatum privilegium exhibendum, secundum quod Ecclesiae antedictae privilegium reformetur, moneas efficaciter & inducas. Alioquin depositiones praedictorum testium audiens, efficias & procures ut eorum dicta in scripturam publicam ad perpetuam memoriam redigantur. Datum Signia XIII. Kal. Augusti, pontificatus nostri anno decimoquinto.

BERNARDO PRIMO ET fratribus eius.

NE quis de cetero vestrum valeat calumniari propositum, sicut olim diligenter examinavimus fidem vestram, ita nunc conversationem vestram prudenter investigare curavimus, & utramque litteris apostolicis fecimus comprehendi, ut illas in testimonium habeatis. Conversationis ergo vestrae propositum tale est. IN NOMINE patris & filij & spiritus sancti & beatissimae semper virginis Mariae, ad adificationem universalis sanctae Dei Ecclesiae, & ad salutem animarum nostrarum & omnium ad quorum aures pervenerit. Sicut fideliter credimus corde, fidem catholicam per omnia & in omnibus integram & inviolatam, quemadmodum in litteris nostrae examinationis expressum est, ore firmiter confiteri & nuntiare & praedicare prosumus & usque ad animam & sanguinem adversus omnes sectas haeresum defendere viriliter promissimus, consistentes sub magisterio & regimine unius & veri magistri Domini nostri Iesu Christi ac pissimi Vicarij eius Papae Innocentij & successorum eius, semper permanentes tam corpore quam spiritu in communione sanctae Romanae ac universalis Ecclesiae, quam sanctam & catholicam & apostolicam semper & ubique confitemur & praedicamus, extra quam neminem salvari fatemur. Sed quia fides sine operibus mortua est, seculo abrenuntiavimus, & quae habebamus, velut a Domino consultum est, pauperibus erogavimus, & pauperes esse decrevimus, ita quod solliciti esse de crastino non curamus, nec aurum vel argentum vel aliquid tale, praeter vestimentum & victum quotidianum, a quoquam accepturi sumus. Consilia quoque evangelica velut praecipua servare proposuimus. Et quamquam officium nostrum sit praecipue ut omnes dicant scripturas sacras & omnes idonei exhortentur,